

Loko en arbaro, kie la arboj k arbetoj estas ~aj. ~igl. Igi ~a : ~igu la vicojn !

* **Dento.** 1 Elstara osteto, en buŝo de homoj k bestoj, kiu servas por mordi k maĉi la nutraĵojn : *trancĵaj, kojnaj, muelaj ~oj* ; la ~oj *klakas* ; *kunfrapi la ~ojn* ; *montri la ~ojn* (f. minaci) ; *nuksoj venis kiam ~oj elfalis* Z (Vd MALFRUA) ; la ~o de *Ptempo formordis la piramidojn*. 2 Elstara pinto aŭ tranĉaĵo ĉe la rando aŭ la supraĵo de objekto : ~o de *kombilo, rado, segilo, muro, roko, monto*. ~a. 1 De ~o : ~a *enajlo*. 2 ~hava : ~a *rado*. ~ego. Longa ~o, kiu eliras el la buŝo de iuj bestoj (elefanto, apro). ~aro. Tuto de la ~oj : *li havas falsan ~aron*. ~(igl). ~oforme tranĉi aŭ aranĝi la rondon de io : ~ita *rado, muro, falbalo, folio* ; la *pintoj de la montaro segil~is la horizonton* (Kp BREĈETI, FESTONI). Tri~o. Forko kun tri ~oj. ~ingo. Kavajeto en la makzela ostoj, entenanta la radikon de ~o. ~okarno. Karno de la makzeloj ĉirkaŭanta la ~ojn (Kp GINGIVO). ~ostango. Stango provizita per ~oj, por kroĉi.

dentalo (Fon). Konsonanto aŭ kvazaŭvokalo, kies bruonon naskas la fermo aŭ la malvastigo de la buŝkanalo per alproksimigo de la langa pinto al la dentoj (t, d, s, z, l, n, c, ĉ, ĝ). Kp LABIALO, PALATALO, VELARO.

* **Denunci** (tr). Sciigi juĝiston aŭ aŭtoritatulon pri ies krimo aŭ kulpo.

Departemento. 1 Sekcio de ministrejo : ~o *pri fervojoj*. 2 Franca administra distriktaro, estrata de prefekto.

Depeŝo. Urĝa sciigo, sendita per rapida vojo, precipe per telegrafo.

Deponi (tr). Konfidi al iu multvaloraĵon gardotan : ~i *monon en banko* Z, *en ŝparkaso, pakafon en stacia pakgardejo*, *provizon da manĝaĵoj en la kabano* ; *ili ~u la vestojn en la ĉambro* Z ; ĉiu *traktato devas esti ~ita en la Sekretariejo de la Ligo* ; ~ilaĵon *trompe forpreni* Z.

depoto ¶. Parto de la trupunuoj, kiu restas dum la milita tempo en la garnizono.

deprimi (tr). Senenergigi, tute malvigligi k senkuraĝigi : *li estas ~ita de sia malsukceso*.

* **Deputi** (tr). Elekti k sendi kiel reprezentanton en parlamenton : ĉiu *moderna demokratio havas ~itaron*. Kp DELEGI.

Derivl (tr). Devenigi vorton de alia pli simpla : la *vorto « homaro » ~igas de « homo »* ; ~ita *vorto*.

dermo ♥. La suba tavolo de la haŭto. Vd EPIDERMO.

dermatologo (Sc). Scienculo, kiu studas ~ion ; specialisto en la ~io.

dermatologio ¶. Parto de la medicino, kiu pritraktas haŭtmalsanojn.

dermatozo ¶. Ĝenerala nomo de haŭtmalsanoj.

dermito ¶. Inflamo de la dermo (= haŭtinflamo).

* **Des.** Adv. uzata antaŭ pli k malpli responde al ju por montri ke io varias paralele k depende de alio : *mi ~ pli lin ŝatas*, *ju pli mi lin konas* ; *ju pli oni posedas*, ~ *pli oni avidas* Z ; *ju pli da mono*, ~ *pli da zorgo* Z ; *ju pli da aĉetantoj*, ~ *pli alta la prezo* Z ; *ju pli rapide*, ~ *pli bone* ; *homo estas ~ pli feliĉa*, *ju malpli da bezonoj li havas*. RIM. Kelkfoje la dua parto de la komparo montrata per ju pli ne estas esprimata, k **des** akceptas tiaokaze sencon similan al tiu de **tiom** : ~ *pli bone* Z ! *Li rifuzis la postenon ~ pli, ke ĝi estis senpaga* ; *mi ne volas ripeti miajn vortojn*, ~ *pli, ke ĉiu el vi facile mem trovos la respondojn* Z.

* **Desegni** (tr). 1 Imiti per kranajaj, plumaj aŭ penikaj strekoj la formon, sed ne la koloron de io ; aperigi la konturojn de io : la ~(a)ĵoj de *Rembrandt*. 2 (f) Montri, priskribi la ĉefajn trajtojn de io, la distingilojn de io : *li ne estas tiel terura kiel oni lin ~as* B ; *li mallonge ~is la ĉefajn liniojn de sia projekto*. Kp LINIO, FIGURO, BILDO, SILUETO, SKIZO, KONTURO, PENTRI, STREKI, TIRI. ~igl. 1 Esti ~ita. 2 Montri siajn konturojn : la *montoj ~igis ne tre klare* B.

Deserto. Lasta parto de eŭropaj manĝoj, konsistanta el fromaĝo, fruktoj k dolĉaĵoj.

desinfekti Z (tr) ¶. Mortigi mikrobojn aŭ miasmojn en loĝejo, vestoj, tolaĵoj ktp : ~i *ion (per io)* (= malinfekti). ~ilo. Aparato por ~o.